



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e-mail: info@voda.ba

Broj: **UP-1/21-3-40-584-5/23**
Datum: **25.01.2024. godine**

«Agencija za vodno područje rijeke Save» Sarajevo rješavajući po zahtjevu Investitora „BAPT“ d.o.o. Vitez za donošenje rješenja o vodnoj dozvoli za aktivnost koja može privremeno ili trajno degradirati kvalitetu voda ili ometati poboljšanje njihovog postojećeg kvaliteta i ispuštanje tehnoloških otpadnih voda iz objekta za držanje i klanje krupne stoke i preradu mesa i depoa za privremeni smještaj stoke koja se nalazi u naselju Počulica, općina Vitez, na osnovu člana 109. stav (1) točka 1. i stav (2) točka 1. Zakona o vodama («Službene novine Federacije BiH, broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi:

R J E Š E N J E **o vodnoj dozvoli**

1. Daje se vodna dozvola Investitoru „BAPT“ d.o.o. Vitez za aktivnost koja može privremeno ili trajno degradirati kvaliteta voda ili ometati poboljšanje njihovog postojećeg kvaliteta i ispuštanje tehnoloških otpadnih voda iz objekta za držanje i klanje krupne stoke i preradu mesa koja se nalazi u naselju Počulica, općina Vitez, na zemljištu označenom kao k.č. broj: 1243, 168/146, 1245, 168/142, 1247, 168/145, 1248, 168/143,, 1249, 1688/138 i 1525, K.O. Počulica, općina Vitez.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, a za čije izdavanje je nadležno Ministarstvo poljoprivrede, šumarstva i vodoprivrede Kantona Središnja Bosna, u skladu sa članom 139. stav (2) točka 1. i 2. Zakona o vodama.
3. Vodna dozvola se daje na osnovu pregleda dostavljene dokumentacije, izvršenog uviđaja, utvrđenog činjeničnog stanja i uz slijedeće uvjete:
 - 3.1. Da se upotreba i korištenje predmetnog objekta vrši u skladu sa njegovom prirodom i namjenom.
 - 3.2. Da se đubrivo iz štale za prihvrat stoke, a nakon sazrijevanja u izgrađenom betonskom spremniku (laguni), aplicira na poljoprivredne površine u skladu sa pravilima dobre poljoprivredne prakse i van područja vodnog dobra i zona sanitarne zaštite izvorišta vode za piće, a u cilju zaštite površinskih i podzemnih voda.
 - 3.3. Da korisnik navedenih objekata za vrijeme trajanja ove dozvole, osigura da se otpadne vode iz klaonice kao i vanjskih manipulativnih površina nesmetano sakupljaju i odvede do objekata predviđenih za tretman otpadnih voda, a zatim ovako tretirane vode ispuštaju u mjesnu kanalizaciju s ispustom u recipijent, lokalni vodotok-potok.
 - 3.4. Objekte čija je svrha odvođenje i prečišćavanje onečišćenih voda (taložnici, separator ulja i masti, slivnici i rešetke, kanalizacijska mreža) treba redovno održavati i koristiti na način koji će osigurati njihovu potpunu ispravnost i funkcionalnost.
 - 3.5. Čišćenje i pražnjenje uređaja za tretman otpadnih voda može vršiti isključivo firma ovlaštena za tu vrstu djelatnosti, prema posebnom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja iz taložnika i separatora ulja i masti, neophodno je voditi službenu evidenciju i arhivu.
 - 3.6. Da se u toku važenja ovog Rješenja poduzimaju adekvatne mjere kako bi parametri prečišćenih otpadnih voda bili u skladu sa dozvoljenim vrijednostima propisanim Uredbom o uvjetima ispuštanja otpadnih voda u okoliš i sisteme javne kanalizacije («Sl. novine Federacije BiH», broj: 26/20, 96/20 i 1/24).
 - 3.7. Ukoliko Vlada kantona propiše dodatne (strožije) uvjete za ispuštanjem otpadnih voda u površinske vode, od uvjeta definiranih Uredbom o uvjetima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.

- 3.8. Da se redovno vrši monitoring prečišćene otpadne vode iz svih ispusta shodno članu 19. i 20. Uredbe o uvjetima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.
- Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH”, broj 14/10, 14/13, 26/14, 23/17 i 41/20).
- 3.9. Zbrinjavanje otpadnih materija, koje se mogu javiti u tehnološkom procesu (kosti, papci, rogovi, iznutrice, krv i drugi otpad od klanja), vršiti u skladu sa Zakonom o veterinarstvu, Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša, a u cilju zaštite voda, tla, zraka i dr.
- 3.10. Krv od iskrvavljenja, nakon klanja, sakupljati u posebne posude adekvatnog kapaciteta i sa odgovarajućim poklopcem. Konačno zbrinjavanje krvi vršiti u skladu sa propisima iz oblasti veterinarstva.
- 3.11. Da se kod održavanja poslovnog objekta praktikuju suho čišćenje radnih površina i opreme, prije pranja vodom, kako bi se smanjila količina otpadnih voda i teret zagađenja, a time i racionalno koristila voda.
- 3.12. Da se, u skladu sa propisima iz oblasti zaštite okoliša, vrši sigurno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.13. Otpad koji nastaje u postupku klanja i obrade trupala kao i drugi nusproizvodi, te mulj iz postrojenja za prečišćavanjem otpadnih voda ne smije se odlagati na česticu «vodno dobro», odnosno u vodotoke i na njegove obale.
- 3.14. Da se za sve izgrađene objekte od nadležnih institucija ishodi upotrebna i okolišna dozvola.
4. Vlasnik, odnosno korisnik objekta je obavezan voditi propisane evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH”, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cijelosti i u propisanim rokovima obavezu plaćanja vodnih naknada.
5. U periodu važenja ove dozvole, investitor odnosno korisnik „BAPT” d.o.o. Vitez je dužan provoditi sve mjere i aktivnosti propisane istom.
6. Ukoliko radom predmetnog poslovnog objekta dođe do promjene režima voda, a te promjene uzrokuju šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. Ukoliko uslijed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ovo rješenje može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta odnosno zaključka.
10. Ova vodna dozvola, shodno članu 117. stav 1. Zakona o vodama („Službene novine Federacije BiH” broj 70/06) se daje sa rokom važenja od 5 (pet) godina od dana pravosnažnosti rješenja.

11. Prije isteka važnosti ove dozvole vlasnik poduzeća „BAPT“ d.o.o. Vitez, dužan je da zatraži izdavanje nove vodne dozvole.

Obrazloženje

Investitor „BAPT“ d.o.o. Vitez, podnio je zahtjev za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta i ispuštanje tehnoloških otpadnih voda iz objekta za držanje i klanje krupne stoke i preradu mesa koja se nalazi u naselju Počulica, općina Vitez, na zemljištu označenom kao k.č. broj 1243, 168/146, 1245, 168/142, 1247, 168/145, 1248, 168/143,, 1249, 1688/138 i 1525, K.O. Počulica, općina Vitez. U provedenom postupku dostavljena je i pregledana sljedeća dokumentacija:

- Ovjerena kopija Rješenja o registraciji, broj: 051-0-Reg-23-000379 od 09.06.2023. godine, izdanog od strane Općinskog suda u Travniku;
- Ovjerena kopija Uvjerenja o poreskoj registraciji, od 26.07.2017.godine, izdanog od strane Porezne uprave – Kantonalni ured Novi Travnik;
- Urbanistička suglasnost za izgradnju privrednog objekta za preradu mesa br: UP I 02-23-1-3181/07 od 12.9.2008.god, izdanog od Službe za imovinsko pravne poslove, katastar i urbanizam Općine Vitez;
- Urbanistička suglasnost za stupnu trafostanicu br: UP I 06-23-3-3432/07 od 04.1.2008.god, izdanog od Službe za imovinsko pravne poslove, katastar i urbanizam Općine Vitez;
- Odobrenje za građenje za izgradnju privrednog objekta za preradu mesa br: UP I 06-23-4-4353/09 od 12.11.2009.god, izdanog od Službe za imovinsko pravne poslove, katastar i urbanizam Općine Vitez;
- Glavni projekt postrojenja za prečišćavanje otpadnih voda izrađen od poduzeća „IBIS“ d.o.o. Zavidovići iz 3/2009.god., revidiran od strane Zavoda za vodoprivredu d.d. Sarajevo;
- Izvještaj o ispitivanju kvaliteta tehnoloških otpadnih voda br.1179/23 izrađen od „INSPEKT RGH“ d.o.o. Sarajevo iz 8/2023.;
- Uplatnice administrativne takse i po Zaključku o posebnim troškovima.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH“, broj 31/15, 55/19, 41/20 i 63/22), izvršen je uviđaj na terenu i tom prilikom sačinjen Zapisnik broj: UP-1/21-3-40-584-4/23 od 18.01.2024. godine.

Objekt koji se koristi za uzgoj i tov krupne i sitne stoke, proizvodnja i preradevina mesnih proizvoda, izgrađen je u naselju Počulica bb, na zemljištu označenom s k.p. 1243, 168/146, 1245, 168/142, 1247, 168/145, 1248, 168/143,, 1249, 1688/138 i 1525, K.O. Počulica, općina Vitez.

Kompleks za uzgoj i tov krupne i sitne stoke, proizvodnja i preradevina mesnih proizvoda sastoji se od sljedećih objekata, klaonice i prerada, prostorija za prihvata stoke, tri objekta koji se koriste kao štale, prostor za preradu mesa, rashladne komore, prostorije za primarnu obradu kože, garderoba, vaga i dvokomorna septička jama.

Tehnološki proces započinje dopremanjem životinja u krug klaonice nakon čega slijedi proizvodni tretman kroz pripadajuće objekte.

Vodoopskrba je iz vlastite vodovodne mreže na kojoj je postavljen mjerač protoka. Voda se koristi za ispunjavanje strogih higijenskih propisa za ovu vrstu djelatnosti, pranje stoke, održavanje svih unutarnjih i vanjskih površina, sanitarnih potreba radnika, održavanje strojeva i ostalih pomagala, održavanje transportnih sredstava itd..

Klaonički otpad odvozi lovačko društvo SOKOL iz Nove Bile.

Svaka štala ima osočnu jamu a đubrivo iz istih se koristi za đubrenje vlastitih poljoprivrednih površina.

Sve otpadne vode koje nastaju u tehnološkom procesu kao i otpadne, sanitarne vode uključujući i vode sa manipulativnih površina, odvode se u dvokomornu septičku jamu s prelivom u lokalni potok.

Izvještaj o ispitivanju kvaliteta tehnoloških otpadnih voda se provodi dva puta godišnji i izvještaj br.1179/23 izrađen od „INSPEKT RGH“ d.o.o. Sarajevo iz 8/2023, ukazuje da su svi parametri ispuštene vode u lokalni potok (uzorak uzet na ispustu iz septičke jame) u dozvoljenim granicama sukladno važećoj Uredbi o uvjetima ispuštanja otpadnih voda u okoliš i sisteme javne kanalizacije. Kompleks se ne nalazi u vodnom dobru.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uvjeti u skladu sa članom 116. stav (1) Zakona o vodama («Službene novine Federacije BiH», broj 70/06).

Na osnovu provedenog postupka konstatira se da je podnosilac zahtjeva „BAPT“ d.o.o. Vitez iz Viteza, ispunio minimum uvjeta za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta i ispuštanja tehnoloških otpadnih voda, te je riješeno kao u dispozitivu ovog Rješenja.

Podnosilac zahtjeva je uplatio upravnu i administrativnu taksu u iznosu od 70 plus 3 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH» broj 43/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Marko Barić, dipl.ing.grad.

Po ovlaštenju
Rukovodilac sektora za izdavanje vodnih akata


Haris Ališehović, dipl.ing.grad.

Dostaviti:

- „BAPT“ d.o.o. Vitez, Počulica bb, Vitez.
- AVP Sava, ISV-vodna knjiga
- Sektor 50
- Org.jed. 40 – arhiva
- Oglasna ploča AVP Sava